

(1) فى الغزل

جنة العشاق

يالى عيونك جنتي
والبدر منك غار
والقلب فيك انطر
والعقل فيك احتار
ان كان بعادك ضني
القرب منك نار
علمت عيني السهر
نسيتني طعم النوم
وشهد عليك المطر
والدمع نازل عوم
وكتبت عنك قمر
وحبيبي من دا اليوم

لو بعد مليون سنة
يا حبيبي هاستناك
دانت نصيبي وقسمتي
وانت اللي قلبي معاك
حالف برب السما
لرحل واعيش وياك
يا حبيبي مين زينا
في الحب قولي مين
شاف اللي شفناه سوي
من نظرة ورمش عين
يكفي حبيبي اننا
نصبح من العاشقين

طبع الفراق مش طبعنا
واسأل علينا الناس
الحب نبض في قلبنا
والشوق زاد الإحساس
واللي يغير من حبنا
يشرب لوحده الكاس